

儀禮鄭注

冊七

儀禮卷十四

漢大司農北海鄭玄註

明後學東吳葛鼎訂

士虞禮第十四

士虞禮

特豕饋食

饋猶歸也

側亨于廟門外之右東面

側亨一胖也。亨於爨用鑊。不於門東。未可以吉也。是日也以虞易奠祔。而以吉祭。易喪祭鬼神所

在則曰廟尊言之。○亨普庚反。劉虛兩反。胖音判。鑊戶郭反。

魚腊爨亞之北上。

爨竈

饔饔在東壁西面。

炊黍稷曰饔。饔北。上。上齊于屋宇。於虞有亨饔之爨。彌吉。○饔尺志反。

設洗于西階西南。水在洗西。筐在東。

土反吉也。亦當西榮。南北以堂深。

奠于室中。北墉下當戶。兩甒醴酒。酒在東。無禁。冪用

絺布。加勺。南枋。

酒在東上。醴也。絺布葛屬。○冪亡狄反。

素几。葦席在西序下。

有凡始鬼神也。

苴刈茅長五寸束之實于筐饌于西坵上堂亦吹文

苴猶藉也。○

饌兩豆菹醢于西楹之東醢在西一鉶亞之

醢在西南面取之得左取菹右取醢便其設之

從獻豆兩亞之四籩亞之北上

豆從主入獻祝籩從主婦獻尸祝北上菹與棗不東陳別於正

饌黍稷二敦于階間西上藉用葦席

藉猶薦也古文藉爲席○敦音對劉又都愛反後放此

匱水錯于槃中南流在西階之南簞布在其東

流匣吐水口也。○錯七故反。簞音丹。

陳三鼎于門外之右。北面北上設局鼎。

門外之右。門西也。今文局爲鉞。

七俎在西塾之西。

不饌於塾上。統於鼎也。塾有西者是室南鄉。

羞燔俎在內西塾上南順。

南順於南面取縮執之便也。肝俎在燔東。

主人及兄弟如葬服。賓執事者如弔服。皆卽位于門外。如朝夕臨位。婦人及內兄弟服。卽位于堂。亦如之。

葬服者。旣夕曰。丈夫鬢散帶垂也。賓執事者。賓客來執事也。○臨力蔭反。下同。鬢側瓜反。

祝免澡葛經帶布席于室中東面右几降出及宗人卽位于門西東面南上。

祝亦執事免者祭祀之禮祝所親也澡治也治葛以爲首經及帶接神宜變也然則士之屬官爲其長弔服加麻矣至於既卒哭主人變服則除右几於席近南也○免音問

宗人告有司具遂請拜賓如臨入門哭婦人哭。

臨朝哭

主人卽位于堂衆主人及兄弟賓卽位于西方如反哭位。

既夕日乃反哭入則升自西階東面衆主人堂下東面北上異於朝夕

祝入門左北面。

不與執事同位。接神尊也。

宗人西階前北面。

當詔主人及賓之事。

祝盥升。取苴降洗之。升入設于几東席上。東縮降洗。

觶升止哭。

縮從也。古文縮為。○從子容反。

主人倚杖入。祝從在左西面。

主人北旋倚杖西序。乃入。喪服小記曰。虞杖不入於室。附杖不升於堂。然則練杖不入於門明矣。

贊薦菹醢醢在北。

主婦不薦。齊斬之服不執事也。曾子問曰。士祭不足。則取於兄弟大功以下者。

佐食及執事盥出舉長在左。

舉舉鼎也。長在左。在西。方位也。凡事宗人詔之。

鼎入設于西階前。東面北上。七俎從設。左人抽局。鼎七。佐食及右人載。

載載於俎。佐食載則亦在右矣。今文局爲鉉。古文鼎爲密。

卒杙者。逆退復位。

復賓位也。

俎入。設于豆東。魚亞之。腊特。

亞次也。今文無之。

贊設二敦于俎南。黍其東。稷。

簋實尊
黍也

設一鉶于豆南。

鉶菜
羹也

佐食出立于戶西。

饌已也。今文
無于戶西。

贊者徹鼎。

反于
門外

祝酌醴。命佐食啓會。佐食許諾。啓會卻于敦南。復位。

會合也。謂敦蓋也。復位出。
立于戶西。今文啓爲開。

祝奠饌于鉶南。復位。

復位復主人之左

主人再拜稽首。祝饗。命佐食祭。

饗告神饗也。此祭祭於苴也。饗神辭記所謂哀子某哀顯相夙興夜處不寧下至適爾皇祖某甫饗

是也。○相息亮反。

佐食許諾。鉤袒。取黍稷祭于苴三。取膚祭。祭如初。祝取奠。觶祭亦如之。不盡益反奠之。主人再拜稽首。

鉤袒如今擐衣也。苴所以藉祭也。孝子始將納尸以事其親為神疑於其位。設苴以定之耳。或曰苴尸

主道也。則特牲少牢當有主象而無可乎。○擐音患。

祝祝卒。主人拜如初。哭出復位。

祝祝者釋孝子祭辭。

祝迎尸。一人衰經奉篚哭從尸。

尸主也。孝子之祭。不見親之形象。公無所繫。立尸而主意焉。一人主人兄弟檀弓曰。既封。主人贈而

祝宿虞尸。○奉芳勇反。

尸入門。丈夫踊。婦人踊。

踊不同。文者有先後也。尸入主不降者。喪事主哀不主敬。主人再拜稽首。

淳尸盥。宗人授巾。

淳沃也。沃尸盥者。賓執事者也。

尸及階。祝延尸。

延進也。告

尸升。宗人詔踊如初。

凡言踊宗人詔之

尸入戶踊如初哭止

哭止尊尸止

婦人入于房

○辟執事者
○辟音避

主人及祝拜妥尸尸拜遂坐

妥安坐也

從者錯篚于尸左席上立于其北

北也席北也

尸取奠左執之取菹擗于醢祭于豆間祝命佐食墮

祭。

下祭曰墮。墮之猶言墮下也。周禮曰：既祭則藏其墮。謂此也。今文墮為綴。特牲少牢或為羞。失古正

矣。齊魯之間謂祭為墮。○搯人挽反。墮許恚反。又相恚反。

佐食取黍稷肺祭授尸。尸祭之祭奠。祝祝。主人拜如

初。尸嘗醴奠之。

如初亦祝祝卒乃再拜稽首。

佐食舉肺脊授尸。尸受振祭。膾之。左手執之。

右手將有事也。尸食之時亦奠肺脊于豆。○膾才計反。

祝命佐食。邇敦。佐食舉黍錯于席上。

邇近也。

尸祭鉶嘗鉶。

右手也。少牢曰：以柶祭羊。鉶遂以祭。豕鉶嘗羊。鉶。

泰羹。滫自門入。設于鉶南。載四豆。設于左。面答。我。

博異味也。滫，肉汁也。載，切肉也。○滫去及反。載，側吏反。

尸飯。播餘于筐。

不反餘也。古者飯用手。吉時播餘于會。古文播爲半。○飯扶晚反。

三飯。佐食舉幹。尸受振祭。饔之實于筐。

飯，間啗肉。安食氣。○啗大敢反。

又三飯。舉脢。祭如初。佐食舉魚。腊實于筐。

尸不受魚腊。以喪不備。味。○脢音格。一音各。

又三飯舉肩祭如初

後舉肩者
貴要成也

舉魚腊俎俎釋三个

釋猶遺也遺之者君子不盡人之歡不竭人之忠
个猶枚也今俗或名枚曰個音相近此腊亦七體

如其
牲也

尸卒食佐食受肺脊實于筐反黍如初設

九飯而已士禮也筐猶吉
祭之有肝俎○肝音祈

主人洗廢爵酌酒醑尸尸拜受爵主人北面答拜尸

祭酒嘗之

爵無足曰廢爵醑安食也主人北面以醑酢變
吉也凡異者皆變吉古文醑作酌○醑以刃反

賓長以肝從實于俎。縮右鹽。

縮從也。從實肝炙於俎也。喪祭進祗右鹽併也。○炙北便尸取之也。縮執俎言右鹽則肝鹽併也。

之夜反抵
丁計反

尸左執爵。右取肝。擣鹽。振祭。濟之。加于俎。賓降。反俎于西塾。復位。

取肝右手也。加于俎從其牲體也。以喪不志於味。

尸卒爵。祝受不相爵。主人拜。尸答拜。

不相爵。喪祭於禮略。相爵者。特牲曰送爵。皇尸卒爵。

祝酌授尸。尸以醋主人。主人拜受爵。尸答拜。

醋報○醋才各
反本亦作酢

主人坐祭。卒爵拜。尸答拜。筵祝南面。

祝接神尊也。筵用萑席。

主人獻祝。祝拜坐受爵。主人答拜。

獻祝因反西南位。

薦菹醢。設俎。祝左執爵祭薦。奠爵興。取肺坐祭。臠之。興。加于俎。祭酒嘗之。肝從。祝取肝。搗鹽。振祭。臠之。加于俎。卒爵拜。主人答拜。祝坐授主人。

今文無搗鹽。

主人酌獻佐食。佐食北面拜。坐受爵。主人答拜。佐食祭酒。卒爵拜。主人答拜。受爵出。實于篚。升堂復位。